

六
典
通
考

六典通考卷百三十五

湖西閭鎮珩輯

禮器考

歷代儀衛

帝王之居外則飾周衛內則重禁門行則設兵而後出
幄稱警而後踐墀張弧而後登輿清道而後奉引遮列
而後轉轂靜室而後息駕凡以顯至尊務戒謹示慎重
也慎重則尊嚴尊嚴則肅恭自黃帝以弧矢威天下盛
德神功振古無二然猶假師兵爲營衛至成周而有宮
正宮伯虎賁諸子其儀遂大備焉漢武帝每上甘泉列
鹵簿車千乘騎萬匹其居前殿則植戟懸楯以戒不虞

所由來者遠矣唐書始列儀衛志自後史官相因不廢
蓋儀言其文衛象其武而天子車駕出入次第則謂之
鹵簿尊君肅臣體統攸關迹其聲容文采雖非盡三代
之盛制亦秩秩乎可觀焉其衛兵已詳宿衛考不重出

樂師敎樂儀行以肆夏趨以采薺車亦如之環拜以鐘鼓爲

節敎樂儀故王以樂出入於大寢朝廷之儀肆夏采薺皆樂
節名或曰指逸詩若今時行禮於太學罷出以鼓陔爲節行

謂於大寢之中趨謂於朝廷王出既服至堂而肆夏作出路
門而采薺作其反入至應門路門亦如之此謂步迎賓客王

如有車出之事登車於大寢
西階之前及降於階之前大馭掌馭玉路以祀凡馭路

行以肆夏以采薺凡馭路謂五路也行謂大寢
至路門趨謂路門至應門凡馭路儀

以鸞和爲節舒疾之法也鸞在衡
和在軾皆以金爲鈴齊僕掌馭金以賓道

僕掌馭象路以朝夕燕出入其灋儀如齊車朝夕朝掌貳車
朝莫夕朝掌貳車

之政令

司常王建大常道車載旒旆車載旌

王畫日月象天明也道車

樂路也王以朝夕燕出入旂車木路也王以田以器大閱王乘戎路建大常焉玉路金路不出

禮書觀禮天子乘龍載大旂象日月升龍降龍郊特牲曰

旂十有二旒龍章而設日月象天也魯頌與明堂位言魯

用天子之禮亦曰龍旂承祀旂十有二旒日月之章左傳

曰三辰旂旒昭其明也然則常有三辰升龍降龍設崇牙

備弧矢

弧以張終崇牙者爲重牙以飾旌之側

飾之以旄垂之以鈴人臣有

功則書於其上考工記曰弧旌柱矢以象弧明堂位曰乘

大路載弧韞觀禮侯氏載龍旂弧韞左傳曰錫鸞和鈴爾

雅曰有鈴曰旂書曰厥有成績紀于太常司勳凡有功者

銘書於王之太常觀此則太常之制可知常之三辰日月

北斗與衣服畫星辰不同曲禮曰招搖在上穆天子傳稱
天子壽盛建日月七星漢郊祀歌曰招搖靈旗則後世旗
亦效北斗也宋建隆中將郊祀陶穀建議取天文角攝提
旗及二十八宿旗十二辰旗龍墀十三旗五方神
旗五方屬旗四瀆旗時有貢黃鸛鵠白兔及馴象自來又
作金鸛鵠玉兔馴象旗太祖又詔別造大黃龍負圖旗一
黃龍負圖旗一大神旗六日旗月旗君王萬歲旗天下太
平旗各一師子旗二金鸞旗金鳳旗各一五龍旗五凡二
十一旗皆有架南郊用之制與古異

齊右掌祭祀會同賓客前齊車王乘則持馬行則陪乘

齊車金路

王自整齊之車也前之者已駕王未乘之時陪乘參乘謂車右也

凡有牲事則前馬

王見牲則拱而

式居馬前御行備驚馬也

道右掌前道車王出入則持馬陪乘如齊車

之儀

行道車象路也王行道德之車

自車上諭命于從事詔王之車儀願式之屬

王式則下前馬王下則以蓋從

以蓋從表尊

隸僕王行洗乘石

乘石王所登

大僕王出入則自左馭而前驅

前驅引也道而今道

上車之石也

小臣詔相王之王小瀛儀

小法儀趨行拱揖之容

王之燕

乘辟王也

出入則前驅

燕出入若今遊於諸觀苑

虎賁氏掌先後王而趨以卒伍

王出將虎賁士居前

旅賁氏掌執戈盾夾王車而趨左八

後雖羣行亦有局分

旅賁氏掌執戈盾夾王車者其下士

節服氏掌祭祀

朝覲袞冕六人維王之大常

服袞冕者從王服也維維之以縷王旌十二旒兩兩以縷縷連

旁三人持之

諸侯則四人其服亦如之

條狼氏掌執鞭以趨辟

王出入則八人夾道公則六人侯伯則四人子男則二人而趨

辟行人若今卒

大司寇凡邦之大事使其屬蹕

屬士師以下也蹕止

也

行

小司寇大賓客前主而辟

爲王道辟除姦人也若今時執金吾下至令尉奉引矣

凡國之大事使其屬蹕

屬士師以下

士師王燕出入則前驅而

辟

道王且

鄉士大祭祀大喪紀大軍旅大賓客則各掌其

鄉之禁令帥其屬夾道而蹕

屬中士以下

三公若有邦事則爲之

前驅而辟

鄉士爲三公道也若今時三公出城郡有郵盜賊道也

遂士若邦有大事

聚眾庶則各掌其遂之禁令帥其屬而蹕

大事王所親也

六卿若有

邦事則爲之前驅而辟

縣士若大夫有邦事則爲之前驅

而辟

天子左五鐘右五鐘

凡律呂十二各一鐘天子宮縣黃鐘蕤賓在南北其餘則在東西

天子將出則撞黃鐘右五鐘皆應

黃鐘在陽陽氣動西五鐘在陰陰氣靜

馬

鳴中律步者皆有容駕者皆有文御者皆有數步者中規折

還中矩立則磬折拱則抱鼓

聲合於樂體比於禮

然後太師奏登車告

出也入則撞鞀實左五鐘皆應

鞀實左五鐘在陰東

以治容貌在內

者皆玉色在外者皆金聲

玉色反其正性也金聲其事殺

然後少師奏登堂

就席告入也

秦法羣臣侍殿上不得持尺寸之兵諸郎中執兵皆陳殿下

又有陞盾郎得半相代及始皇滅九國兼其車服故大駕屬

車八十一乘

周制良車散車不在馬者給游燕及恩惠之賜從軍所載財貨輜重之車車後開戶作之有功

有沾沾寵也則屬車之流周未諸侯有貳車九乘奏減而兼之

法駕半之左右分行其車皆

皂蓋赤裏木輜輳戈矛弩蔽尚書御史所載最一乘懸豹尾

豹尾以前爲省中

豹尾施之道路須後屯圍乃解所以戒不虞也省中卽今之仗內

周禮辨載法物無相風畢網旄頭之屬何承天謂戰國並

爭師旅數出懸烏之設務察風禮宜是秦矣晉武嘗問侍
臣旄頭何義彭推曰秦國有奇怪觸山截水無不崩潰唯
畏旄頭故虎士服之張華曰有是而事不經臣謂壯士之
怒髮踊衝冠義取於此徐爰曰彭張之說無所承據案天
文畢昴之中謂之天街故車駕以畢罕前引畢方昴員因
其象星經昴一名旄頭故使執之者冠皮皮毛冠也

漢儀先平明謁者治禮引以次入殿門廷中陳車騎步卒衛

宮設兵張旗志傳曰趨殿下郎中俠陛陞數百人

俠與挾同挾其兩旁

每陛皆數百人

功臣列侯諸將軍軍史以次陳西方東鄉文官丞相

以下陳東方西鄉大行設九賓臚句傳

上傳告下爲臚下告上爲句

於是

皇帝輦出房百官執職傳警引諸侯王以下至吏六百石以

次奉賀天子出車駕次第謂之鹵簿駕旗在前屬車在後翠

鳳之駕

天子乘車爲鳳形飾以翠羽

旌旗鼓車旄頭先驅

旄頭以羽林爲之髮正向上而

長衣結衣在乘輿之前

大駕公卿奉引大將軍驂乘

乘車之法尊者居左御者居中又有

一人處車右以備傾側名曰驂乘蓋取三人爲義耳

太僕御屬車八十一乘作三行尙

書御史乘之最後一乘垂豹尾豹尾以前皆爲省中千乘萬

騎出長安祠天於甘泉備之法駕京兆尹奉引侍中驂乘奉

車御屬車三十六乘

大駕儀仗通號鹵簿唐人謂鹵簿也甲冑之別凡兵衛以甲冑居外爲前

導其先後皆著之簿籍故曰鹵簿南朝御史中丞建康

令皆有鹵簿爲君臣通稱或謂石季龍以女騎千人爲一鹵

簿乃皇帝起居內百官所使按傳藉而後出入營衛周歷

晝夜誰何殿門外署屬衛尉殿內郎署屬光祿勳黃門鈞盾

近署屬少府輦動則左右傳帷幄者稱警車則衛官填街騎

士塞路出殿則傳蹕止人清道建五旗丞相入卿執兵奉引先置索室清宮而後往

後漢皇帝臨軒漏上二刻侍中侍臣冗從僕射中謁者節騎郎虎賁旄頭遮列五牛旗皆入虎賁中郎將羽林監分陞端門內侍御史謁者各一人監端門廷尉監平分陞東西中華門漏上三刻殿中侍御史奏開殿門南止車門宣陽城門軍校侍中散騎常侍給事黃門侍郎散騎侍郎升殿夾御座尚書令以下應陞者以次入治禮引大鴻臚入陳九賓漏上四刻侍中奏外辦皇帝服袞冕升太極殿臨軒南面謁者前北面禮畢出宮大駕御鳳皇車以金根爲副惟上陵及遭大喪施之法駕公卿不在鹵簿中唯河南尹執金吾洛陽令奉引

侍中轡乘奉車郎御屬車三十六乘

或曰四十六乘

前驅有九旂雲

罕

旂車有九乘武王克紂百夫荷罕旗先驅

鳳凰闕戟皮軒鸞旗皆大夫載鸞旗

者編羽旄列繫幢旁建蓋在中以銅作鸞鳥車衡上後有金

鉦黃鉞黃門鼓車大駕屬車八十一乘法駕半之屬車皆皂

蓋赤裏木輜戈矛弩箠尚書御史所載最後一車懸豹尾豹

尾以前比省中

記前載虎皮亦此義

行祠天郊以法駕祠地明堂省什

三祠宗廟尤省謂之小駕每出太僕奉駕上鹵簿中常侍小

黃門副尚書主者卽令史副侍御史蘭臺令史副皆執注以

督正車騎謂之護駕春秋上陵尤省於小駕直事尚書一人

從其餘令以下皆先行後罷凡乘輿車皆羽蓋金華爪黃屋

左纛金鐙方鈇繁纓重轂副牽諸車之文乘輿倚龍伏虎櫺

文畫轡龍首鸞衡重牙班輪升龍飛輪

飛輪以提油廣八寸長注地畫左蒼龍右

白虎繫轡頭

諸馬之文案乘輿金鏤方鈇插翟象鏤也用象牙

龍畫總沫升龍赤扇汗青兩翅燕尾駙馬左右赤珥流蘇飛

鳥節赤膺

魏文帝受禪多因漢制

何禮許都賦元正大饗壇彼西南旗幕義義義備宇弘深

咸熙二

年命晉王建天子旌旗出警入蹕乘金根車六馬備五時副

車置旄頭雲罕

雲罕疑是畢罕詩序曰齊侯田獵畢弋畢罕本施遊獵遂爲行飾

晉臨軒大會陳乘輿車輦旌鼓於殿庭大駕鹵簿先象車鼓

吹一部十三人中道次靜屋令駕一中道或道候二人駕一

分左右次洛陽尉二人騎分左右次洛陽亭長九人赤車駕

一分三道鼓吹正二人引次洛陽令皂車駕一中道次河南

中部掾中道河橋掾在左功曹史在右並駕一次河南尹駕
駟載吏六人次河南主簿駕一中道次河南主記駕一中道
次司隸部河南從事中道都部從事居左別駕從事居右並
駕一次司隸校尉駕三載吏六人次司隸主部駕一中道次
司隸主記駕一中道次廷尉明法掾中道五官掾居左功曹
史居右並駕一次廷尉駕駟載吏六人次廷尉主簿主記並
駕一在左太僕引從如廷尉在中宗正引從如廷尉在右次
太常駕駟中道載吏六人太常外部掾居左五官掾功曹史
居右並駕一次光祿引從中道太常主記居左衛尉居右並
駕一次太尉外督令史駕一中道次東西捕賊倉戶等曹屬
駕一列從次太尉駕駟中道太尉主簿舍人各一人祭酒二

人並駕一在左右次司徒引從駕駟中道次司空引從駕駟中道三公騎令史戟各八人鼓吹一部七人次中護軍中道駕駟鹵簿左右各二行戟楯在外弓矢在內鼓吹一部七人次步兵校尉在左長水校尉在右並駕一鹵簿左右二行戟楯在外刀楯在內鼓吹各一部七人次驍騎將軍在左游擊將軍在右並駕一皆鹵簿左右各二行戟楯在外刀楯在內鼓吹各一部七人騎隊五在左五在右隊各五匹命中督二人分領左右各有戟吏二人麾幢揭鼓在隊前次左將軍在左前將軍在右並駕一皆鹵簿左右各二行戟楯在外刀楯在內鼓吹各一部七人次黃麾騎中道次黃門前部鼓吹左右各一部十三人駕駟八校左右各四行外大戟楯次九尺

楯弓矢弩並熊渠飲飛督領之次司南車駕駟中道次御史
中丞駕一中道次武貴郎將騎中道次九遊車中道武剛車
夾左右並駕駟次雲罕車駕駟中道次闔戟車駕駟中道長
戟斜偃向後次皮軒車駕駟中道次鸞旗車中道建華車分
左右並駕駟次護駕尙書三人都官郎中道駕部在左中
兵在右並騎又有護駕尙書一人騎督攝前後無常次相風
中道次司馬督在前中道左右各司馬史三人引仗左右各
九尺橈弓矢弩次五時車左右有遮列騎次典兵中郎中道
督攝前却無常左殿中御史右殿中監並騎次高蓋中道左
畢右罕次御史中道左右節郎各四人次華蓋中道次殿中
司馬中道殿中都尉在左殿中校尉在右左右各四行細楯

一行在弩內又殿中司馬一行殿中都尉一行殿中校尉一行次柶鼓中道次金根車駕六馬中道太僕大將軍參乘左右又各增三行爲九行司馬史九人引大戟楯二行九尺楯一行刃楯一行細弩一行細跡禽一行槌斧一行刃楯一行連細楯殿中司馬都尉校衛左右各十三行金根車建青旂旂十二左將軍騎右殿中將軍持螯腦斧夾車車後衣書主職步從六行合左右三十二行次尚華蓋中道侍中騎常侍黃門侍郎並騎分左右次黃鉞車駕一在左御麾騎在右次相風中道次中書監騎左秘書監騎右次殿中御史騎左殿中監騎右次五牛旗赤青在左黃在中白黑在右次大輦中道太官令丞在左大醫令丞在右次青立車次青安車次赤

立車次赤安車次黃立車次黃安車次白立車次白安車次
黑立車次黑安車次合十乘並駕駟建旗十二旂如車色立車
正豎旗安車斜拖之次蹋猪車駕駟中無旗次耕耨車駕駟
中道赤旗十二旒熊渠督左次飛督右次御輅車次御四望
車次御衣車次御書車次御藥車並駕牛中道次尙書令在
左尙書僕射在右又尙書郎六人分左右並駕一又治書侍
御史二人分左右又侍御史二人分左右又蘭臺令史左右
並騎次豹尾車駕一自豹尾車後而鹵簿盡矣但以神弩二
十張夾道至後部鼓吹其五張神弩置一將左右各二將次
輕車二十乘左右分駕次流蘇馬六十四次金鉞車駕三中
道左右護駕尙書郎并令史並騎各一人次金鉞車駕三中

道左右護駕侍御史并令史並騎各一人次黃門後部鼓吹左右各十三人次卓鼓車駕牛二乘分左右次左大鴻臚外郎掾右五官掾功曹史並駕一次大鴻臚駕騊駼載吏六人次大司農引從中道大鴻臚主簿主記右少府引從次三卿並騎史四人鈴下二人執馬鞭辟車六人執方扇羽林十人朱衣次領軍將軍中道鹵簿左右各二行九尺楯在外弓矢在內鼓吹如護軍次後軍將軍在左右軍將軍在右各國簿鼓吹如左軍前後次越騎校尉在左屯騎校尉在右各國簿鼓吹如步兵射聲次領護騎遊軍校尉皆騎吏四人乘馬來道都督兵曹各一人乘馬在中騎將軍四人騎校執角金鼓鈴下信幡軍校並駕一功曹史主簿並騎從繖扇幢麾各一騎

鼓吹一部七騎次領護軍加大車斧五官掾騎從次騎十隊
隊各五十匹將一人持幢一人持鞬一人並騎在前督戰伯
長各一人並騎在後郎簿十隊隊各五十人絳袍將一人騎
鞬角各一人在前督戰伯長一人步在後騎皆持稍次大戟
一隊九尺楯一隊刀楯一隊弓一隊弩一隊五隊隊各五十
人黑襦褶將一人騎校鞬角各一人步在前督戰伯長各一
人步在後金顏督將并領之其屬車因後漢制復制御衣御
書御輶御藥等車駕牛陽燧四望幟皂輪小形東晉元興時
屬車唯九乘永和中石虎死後舊工人奔歸國稍造車輿太
元中苻堅敗後又得僞車輦於是屬車增爲十二乘

宋元嘉儀皇帝將出正直侍中嚴上水一刻奏搃一鼓爲一

嚴上水二刻奏搥二鼓爲再嚴殿中侍御史奏開東中華雲門引仗爲小駕鹵簿畱守填街後部從官就位前部從官生鹵簿先置官先行上水三刻奏搥三鼓爲三嚴上水四刻奏外辦正次直侍中散騎常侍給事黃門侍郎軍校劍履進來上閤正直侍郎負璽通事令史帶龜印中書之印上水五刻皇帝出著黑介幘單衣乘輦正直侍中負璽陪乘不帶劍殿中侍御史督攝黃麾以內次直侍中次直黃門侍郎護駕在前又次直侍中佩信璽行璽與正直黃門侍郎從護駕在後不鳴鼓角不得譴譁以次引出警蹕如常儀車駕出騶讚陞者再拜車駕至行殿前回輦正直侍中跪奏降輦次直侍中稱制曰可正直侍中俛伏起皇帝降輦登御坐侍臣升殿直

衛鉞戟虎賁毛頭文鵠尾以次列階正直侍中奏解嚴先置
從駕百官還便坐轅省至晡正直侍中量宜奏嚴從官還著
朱服鉞戟復鞘再嚴先置官先還三嚴後二刻正直侍中奏
外辦皇帝箸黑介幘單衣正次直侍中散騎常侍給事黃門
侍郎軍校進夾御坐正直侍中跪奏還宮次直侍郎稱制曰
可正直侍中俛伏起乘輿登輦還衛從如常儀車駕將至威
儀唱引畱守填街先置前部從官就位再拜車駕至殿前回
輦正直侍中跪奏降輦次直侍中稱制曰可正直侍中俛伏
起乘輿降入正直次直侍中散騎常侍給事黃門侍郎散騎
侍郎軍校從至閤亦如常儀孝建中尚書令建平王宏議屬
車起秦八十一乘及三十六乘並不出經典自胡廣蔡邕傳

說耳又是從官所乘非常副車正數江左五乘則儉不中禮帝王文物旗旒皆十二爲節今宜依禮十二乘爲制

齊制時乘輿無副王儉議曰昔周五輅大朝臨軒權列三輅今畫衣十二乘古副車之象也亦曰五時副車青萌車是謂掄輅車

梁制臺門闕禁衛皆嚴侍中奏外辦皇帝服袞冕乘輿以出侍中扶左常侍扶右黃門侍郎一人執曲直華蓋從至階降輿納舄升坐尙書僕射沈約議御出乘輿至太極殿前納舄升階尋路寢本人君居處不容自敬宮室案漢氏乘小車升殿請自今宜乘小輿至太極階乃乘版輿升殿制可出行則有大駕法駕小駕大駕公卿奉引大將軍驂乘太僕馭法駕

小駕皆侍中驂乘奉車郎馭公卿不引其餘行幸送往勞旋則樂仗近譙則隊仗三駕法天二仗法地陳氏承梁亦無改革

後魏天興二年命禮官採古法制三駕鹵簿一曰大駕設五輅建太常屬車八十一乘平城令代尹司隸校尉丞相奉引太尉陪乘太僕御從輕車介士千乘萬騎魚麗雁行前驅皮軒開戟芝蓋雲罕指南後殿豹尾鳴笳唱上不作鼓吹軍戎大祠則設之二曰法駕屬車三十六乘平城令代尹太尉奉引侍中陪乘奉車都尉御巡狩小祠則設之三曰小駕屬車十二乘平城令太僕奉引常侍陪乘奉車郎御遊宴離宮則設之天賜二年初改大駕魚麗雁行更爲方陣鹵簿列步騎

內外爲四重列標建旌通門建五色車旗各處其方諸王導從在甲騎內公在幢內侯在步稍內子在刀楯內五品朝臣夾列乘輿前兩箱官卑者先引王公侯子車後魏除伯男爵旒麾蓋信幡及散官襦服皆絳黑

後齊天子御正殿唯大正夾侍兵仗悉在殿下郊祭鹵簿則督將平巾幘緋衫甲大口襜

後周左右武伯掌內外衛之禁令兼六率之士皇帝臨軒則備三仗於庭服金甲執金鈿杖立於殿上東西階之側行則列兵於帝左右從則服金甲被繡袍左右小武伯各二人貳之服執同武伯分立大武伯下及靈門之左右墊行率加錦袍左右武賁率掌武賁士其隊器服皆玄以四色飾之各總

左右持鉞之隊皇帝臨露寢則立左右三仗第一行之南北
出則分在隊之先後其副率貳之左右旅賁率掌旅賁士其
隊器服皆青以朱飾立三仗第二行之南北其副率貳之左
右射聲率掌射聲士器服皆朱以黃飾立三仗第三行之南
北其副率貳之左右驍騎率掌驍騎士器服皆黃以皓飾立
三仗第四行之南北其副率貳之左右遊擊率掌遊擊士器
服皆正以青飾其副率貳之武賁已下六率通服金甲師子
文袍執銀鉤檀板副率通服金甲獸文袍各有倅長帥長相
次陪列行則引前倅長通服銀甲豹文袍帥長通服銀甲鷩
文袍自副率已下通執獸環銀飾長刀凡大駕則盡行中駕
及露寢半之小駕半中駕常行軍旅衣色尙烏

隋制臨朝大仗則領左右大將軍二人分在左右廂左右武衛開府各領三仗六行在大仗內行別六十人大都督一人領之御都督一人後之大駕則執黃麾仗其次戟二十四左青龍幢右白獸幢罕畢各一鉞金二十四金節十二道蓋獸文絳引幡朱幢爲持鉞前隊應蹕大都督二人領之在御前橫街南左右武衛大將軍領大仗左右廂各六行行別三百六十人大督一人領之開皇中大駕十二乘法駕減半大業初屬車備八十一乘並如犢車紫通幟朱絲絡網黃金飾駕一牛在鹵簿中單行正道旣而帝嫌其多問起部郎閭毗毗曰此起於秦遂爲後式張衡賦屬車九九是也次及法駕三分減一此漢制帝曰大駕用三十六法駕十二小駕除之大

駕鼓吹並朱漆畫大駕鼓吹小鼓加金鐃羽葆鼓鐃鼓節鼓
皆五采重蓋其羽葆鼓仍飾以羽葆長鳴中鳴大小橫吹五
采衣幡緋掌書交龍五采腳大角幡亦如之大鼓長鳴大橫
吹節鼓及橫吹後笛簫篳篥笳桃皮篳篥等工人服皆緋地
苴文爲袍袴及帽金鉦柈鼓其鉦鼓皆加八角紫繖小鼓中
鳴小橫吹及橫吹後笛簫篳篥笳桃皮篳篥等工人服皆青
地苴文袍袴及帽羽葆鼓鐃及歌簫笳工人服並武弁朱襹
衣革帶大角工人平巾幘緋衫白布大口袴其鼓吹督帥服
與大角同以下準督帥服亦如之

唐制朝會之仗三衛番上分爲五仗號衙內五衛一曰供奉
仗以左右衛爲之二曰親仗以親衛爲之三曰勳仗以勳衛

爲之四曰朔仗以朔衛爲之皆服鶚冠緋衫袂五曰散手仗以親勳朔衛爲之服緋紇緋繡野馬皆帶刀提仗列坐于東西廊下每月以四十六人立內廊閣下號曰內仗以左右金吾將軍當上中郎將一人押之有押官有知隊仗官朝堂置左右引駕三衛六十人以左右衛三衛年長疆直能糾劾者爲之分五番有引駕伙飛六十六人以伙飛越騎步射爲之分六番每番皆有主師一人坐曰引駕官中郎將郎將各一人檢校引駕又有千牛仗以千牛備身備身左右爲之千牛備身冠進德冠服縹褶備身左右服如三衛皆執御刀弓箭升殿列御座左右內外諸門以排道人帶刀提仗而立號曰立門仗宣政左右門仗內仗皆分三番而立號曰交番仗

每朝第一整鼓聲絕訖持更稍皆舉張弓者攝箭收弩立門
隊及諸隊仗皆立于廊下第二整鼓聲接按稍弛弓收鋪諸
門隊門隊立于階下復一刻立門仗皆復舊內外仗隊立于
階下元日冬至大朝會宴見蕃國王則供奉仗散手仗立于
殿下黃麾仗樂縣五路五副路屬車與輦轍二翰一陳侍中
于庭扇一百五十有六三衛三百人執之陳于兩廂
奏外辦皇帝步出西序門索扇扇合皇帝升御座扇開左右
留扇各三左右金吾將軍一人奏左右廂內外平安通事舍
人贊宰相兩省官再拜升殿內謁者承旨喚仗左右羽林軍
勤以木契自東西閣而入內侍省五品以上一人引之左右
衛大將軍將軍各一人押之二十人以下入則不帶仗三十
人入則左右廂監門各二人千牛備身各四人三衛各八人
金吾一人百人入則左右廂監門各六人千牛備身各四人
三衛三十三人金吾七人二百人則增以左右武衛威衛領

軍衛金吾衛翊衛等凡仗入則左右廂加一人監捉永巷御
刀弓箭及三衛帶刀入則曰仗入三衛不帶刀而入則曰監
引入朝罷皇帝步入東序門然後放仗內外仗隊七刻乃下
常參輟朝日六刻卽下宴蕃客日隊下復立半仗于兩廊朔
望受朝及蕃客辭見加纛稍隊儀仗減半凡千牛仗立則全
仗立太陽虧昏塵大霧則內外諸門皆立仗泥雨則延三刻
傳點大駕鹵簿將發乘黃令進路於太極殿西階南向千牛
將軍一人執長刀立路前北向黃門侍郎一人立侍臣之前
贊者二人旣外辦太僕卿攝衣而升正立執轡天子乘輿以
出降自西階曲直華蓋警蹕侍衛千牛將軍前執輿天子升
路太僕卿授綬侍中中書令以下夾侍黃門侍郎前奏請法

駕動警蹕鼓傳音黃門侍郎前奏請發鸞駕動警蹕鼓傳音
黃門侍郎與贊者夾引而出千牛將軍夾路而趨駕出承天
門侍郎乘馬奏駕少留敕侍臣乘馬侍中前承制退稱制曰
可黃門侍郎退稱侍臣乘馬贊者承傳侍臣皆乘侍衛之官
各督其屬左右翊駕在黃麾內符寶郎奉六寶與殿中後部
從在黃鉞內侍中中書令以下夾侍路前贊者在供奉官內
侍臣乘畢侍郎奏請車右升侍中前承制退稱制曰可侍郎
復位千牛將軍升侍郎奏請發導駕先萬年縣令次京兆牧
次太常卿次司徒次御史大夫次兵部尚書自縣令以下並
依本品給之次清遊隊白澤旗二分左右各一人執二人引
二人夾折衝二人各領四十騎戎服分左右次金吾大將軍

二人分左右各二人執纛稍騎從自龍騎以前檢校次金吾果毅二人領虞候仗飛四十八騎夾道單行分左右引黃麾仗次外鐵甲仗飛二十四騎並行分左右廂各六重引步甲隊次朱雀旗一騎執二騎引二騎夾金吾折衝都尉一人領四十人執橫刀稍弩弓箭騎從次龍騎十二各一騎執並戎服被大袍橫行正道每一旗前二人騎爲二重引前每旗後亦二人護後副弩二分左右金吾果毅二人騎領次指南車次記里鼓車次白鷺旗車十二旗次辟惡車次皮軒車並駕四馬駕士各十四人匠一人次引駕十二重重二人並行正道騎帶橫刀自皮軒車後均布至細仗前一重弓箭相間金吾果毅一人檢校次鼓吹令二人次欄鼓十二面金鉦十二

面次大鼓百二面次長鳴百二十具次饒鼓十二面歌籥各二十四次大橫吹百二十具節鼓二面笛簫篳篥笳桃皮篳篥各二十四次柷鼓十二面金鉦十二面次小鼓百二十面次中鳴百二十具次羽葆鼓十二面歌籥各二十四自前柷鼓以下工人皆自副並騎分左右橫行每鼓皆二十人夾每隊皆有主帥皆五人以上統領次殿中侍御史二人次黃麾一人執二人騎夾次太史令一人次相風轆轤士八人次柷鼓金鉦各一司辰一人典事一人刻漏生四人分左右次行漏與正道匠一人舉士四十人十二次前左右武衛果毅各一人騎騎分次天色繡幃一次金節十二次罕畢各一左罕次朱雀幄一次左右左青龍幢右白武幢次導蓋一又次稍

長一次鎩戟各百四十四人分左右次左右衛將軍各御馬二十四疋分左右次尙乘奉御二人分左右次左青龍旗右白武旗各一左右衛果毅各一人各領三十五人騎分左右次通事舍人八人騎分左右次侍御史二人次御史中丞二人次御史二人次拾遺二人次補闕二人並騎次起居郎一人在左次起居舍人一人在右次諫議大夫二人左右次給事二人在左次黃門侍郎二人在左次中書侍郎二人在右次左散騎常侍二人在左次右散騎二人在右次侍中二人在左中書令二人在右自通事舍人以下一人皆步從次香燈一次左右衛將軍各一人分左右次班劍儀刀左右廂各十二行次左右衛郎將各一人領散手翊衛三十人橫刀騎在

副使仗稍衛內次左右驍衛郎將各一人各領翊衛二十八人甲騎具裝執副仗稍在散手外均布曲折至後門次左右衛供奉中郎將四人領親勦翊衛四十八人帶橫刀騎分左右在三衛仗內次玉輅太僕卿馭駕士四十一人千牛將軍一人陪乘次左右衛大將軍各一人夾五輅次千牛將軍一人中郎將二人分左右次千牛備身分左右騎在玉輅前次御馬二疋次左右監門校尉各一人在後門內檢校次牙門二人執四人夾次左右監門校尉各十二人騎監當後門十二行仗頭各一人次左右驍衛翊衛各三隊每隊三十五人並帶稍弩箭橫刀相間前第一隊各大將軍統領鳳旗第二隊各將軍一人領執飛黃旗第三隊各郎將一人領執吉利

旗次左右衛夾轂廂各六隊隊三十人每隊各折衝一人果毅一人檢校次大纛二在牙門後次孔雀扇各四分左右次腰輿一次小圓扇四次方扇十二花蓋次大輦一尙輦奉御二人殿中少監一人騎從次諸司侍奉官二人分左右次御馬二十四疋分左右次尙乘直長二人分左右次大纛二孔雀扇八夾纛次小扇十二次朱畫圓扇十二次花蓋次俾倪十二次玄武幢一次絳麾二次細稍十二次後黃麾一次殿中侍御史二人騎分次大角百二十具金吾果毅一人領橫行十重次後部鼓次羽葆鼓十二面工人十二歌簫笳各工人二十四次鑼鼓十二面工人十二歌簫笳各工人二十四次小橫吹百二十具工人百二十笛簫篳篥笳桃皮篳篥各

工人二十四次芳輦主輦二百人次小輦一主輦六十人次
小輦一奉輦十二人次尙輦直長二人分左右次左右武衛
五牛旗輿五黃牛旗處內赤青在左白黑在右各八人執左
右威衛隊正各一人檢校次乘黃令一人丞二人騎金輅次
象輅次革輅各駕士三十二人次五副輅各駕四馬駕士各
二十八人次耕根車駕士三十二人次安車次四望車駕士
各二十四人次羊車小吏十四人次屬車十二駕牛駕士各
八人次門下中書省秘書省殿中等局官各一人並騎分次左右
黃鉞車駕士十二人次豹尾車駕士十二人次左右威衛折
衝都尉各一人領掩後二百人各執大戟刀楯弓箭及弩各
五十人爲一行並橫行次左右領軍將軍各一人各執纛稍

步從次前後左右廂步甲隊四十八隊前後各二十四隊並
鑿鎧弓刀楯五色相間隊引各三十人次左右廂黃麾仗廂
各十二部部各十二行並執弓刀戟楯及孔雀斄鵝毛斄雞
毛斄等行引十人左右領軍黃麾仗首尾廂各五色綉幡二
十口十口引前十口引後廂各獨揭鼓十二重重二人在黃
麾仗外次左右衛將軍各一人驍衛武衛威衛領軍衛各大
將軍一人檢校黃麾仗次受仗左右廂各十八人廂別二百
五十人執爻二百十五人執乂每爻一乂一廂間次諸衛馬
隊左右各二十四隊從十二旗隊別主帥以下四十人每隊
皆折衝果毅一人檢校前第一隊辟邪旗二隊應龍旗三隊
玉馬旗四隊三角獸旗五隊黃龍負圖旗六隊黃鹿旗七隊

飛麟旗八隊駛驪旗九隊鸞旗十隊鳳旗十一隊飛黃旗十二隊麟旗十三隊角端旗十四隊赤熊旗十五隊兕旗十六隊太平十七隊犀牛旗十八隊鷓鴣旗十九隊驪駒旗二十隊駒牙旗二十一隊蒼烏旗二十二隊白狼旗二十三隊龍馬旗二十四隊金牛旗玄武旗一人執二人引二人夾金吾折衝一人領五十騎分執稍弩次玄武隊前大戟隊後當正道執殳仗行內置牙門二人執四人夾騎分左右次牙門左右廂各開五門門二人執四人夾並騎分左右第一門在左右威衛黑質步甲隊後白質步甲隊前第二在左右衛步甲隊後左右領軍黃麾仗前第三在左右武衛黃麾仗後左右驍衛黃麾仗前第四在左領軍衛黃麾仗後左右衛步甲隊

前五門在左右武衛白質步甲隊後黑質步甲隊前右自清
遊以下諸衛將軍並平巾幘紫襴褙大口袴錦膳蛇金隱起
帶弓箭橫刀中郎將折衝果毅皆平巾幘緋襴褙大口袴錦
膳蛇銀梁金隱起橫刀弓箭仗飛執旗人引駕三行並武弁
緋襴褙大口袴供奉並武弁朱衣各一人步從餘文武官及
導駕官並朱衣冠履衣本品服其工人駕官並絳衣平巾幘
餘並戎服若法駕減大駕太常卿司徒兵部尚書白鷺車辟
惡車大輦五副輅安車四望車屬車減四其清游隊持鋌隊
玄武隊皆四分減一諸隊鼓吹三分減一餘同大駕縣令御
史大夫以前威儀亦三分減一小駕又減法駕御史大夫指
南記里鼓鸞旗皮軒象輅革輅木輅金根羊車黃鉞車豹尾

車屬車小輦小輿諸隊仗及鼓吹各減大駕半餘同法駕絲
令州牧威儀減半其新製芑文旗雲旗刀旗肆神幢長壽幢
及左右千牛將軍衣瑞牛文左右衛瑞馬文左右驍衛大蟲
文左右武衛瑞鷹文左右威衛豹文左右領軍白澤文左右
金吾辟邪文左右監門師子文並綉爲袍文將軍中郎將皆
同

五代漢乾祐中宮中置主輦十六人奉足一人掌扇四人持
踏牀一人並服文綾袍銀葉弓腳幞頭尙宮一人寶省一人
高鬟紫衣書省二人紫衣弓腳幞頭新婦二人尙鬟青衣執
將二人紫衣弓腳幞頭童子執紅絲拂二人高鬟髻青衣執
犀盤二人帶翚頭黃衫執翟尾二人帶翚頭黃衫雞冠二人

紫衣分執金灌器唾壺女冠二人紫衣執香爐香盤分左右
以次奉引

六典通考卷百三十六

湖西閭鎮珩輯

禮器考

歷代儀衛

宋有黃麾大仗黃麾半仗黃麾角仗黃麾細仗正旦冬至五月朔大朝會大慶冊受賀受朝設大仗月朔視朝設半仗外國使來設角仗發冊受寶設細仗鹵簿四一大駕郊祀大饗用之二法駕方澤明堂宗廟籍田用之三小駕朝陵封祀奉謝用之四黃麾仗親征省方還京用之黃麾大仗五千七十五人仗首左右廂各二部絳引幡十執各一人左右領軍衛大將軍各一員左右領軍衛折衝掌鼓一人帥兵官一十人

次執儀刀部十二行每行持各十人

後部并仗同

第一行黃雞四

角氅

凡氅皆持以龍頭竿

第二儀鎗五色幡第三青孔雀五角氅第四

鳥戟第五緋鳳六角氅第六細弓矢第七白鵝四角氅第八

朱藤絡盾刀第九阜鵝六角氅第十細弓矢第十一稍第十

二綠藤絡盾刀揭鼓二掌鼓二人

後部同

以上排列左右廂次

廂左右各三部左右屯衛左右武衛并大將軍左右衛將軍

各一員第一果毅第二第三折衝各一員于仗首左右廂第

一部之南相向持黃麾幡二人在當御廂前各立當御廂左

右各一部左右衛果毅各一人于玉輅前分左右并北向次

後廂左右各三部第一左右驍衛將軍第二左右領軍衛折

衝第三左右領軍衛果毅各一員次左右廂各三部左右武

衛將軍左右屯衛將軍左右領軍衛折衝各一員各在網子
鷄雞貌旗之前東西相向左右廂各步甲十二隊第一隊左
右衛果毅第二左右衛第四左右驍衛第六左右武衛第八
左右屯衛第十第十二左右領軍衛折衝各一員第三左右
驍衛第五左右武衛第七左右屯衛第九第十一左右領軍
衛并果毅各一員每隊旗一貌鷄雞僊鹿金鸚鵡瑞麥孔雀
野馬羴牛甘露網子內第十二隊
旗同第一隊刀盾弓矢相間分十二隊
各隊三十人五重左右廂後部各十二隊第一第二左右衛
第五第七左右武衛第七第十二左右領軍衛并折衝第三
第四左右驍衛第八第九左右屯衛并果毅每隊旗二角觿
赤熊兕太平馴犀鷄鸚鵡驕驕牙蒼鳥白狼龍馬金牛次弩

五人爲一列弓矢十人爲二重稍二十人爲四重眞武隊金
吾折衝都尉一員仙童眞武騰蛇神龜旗各一執各一人僊
稍二人弩五人爲一列弓矢二十一人爲四重稍二十五人
爲五重尙輦陳孔雀扇四十于簾外執各一人陳輦輿于龍
墀太輦在東部押執擎二百二十有二人腰輿在南一十有
七人小輿又在南二十有五人皆西向平輦在西逍遙在南
共三十七人皆東向設繖扇于沙墀方繖二分左右執繖將
校四人團龍扇四分左右執扇都將四人方雉扇一百分繖
扇之後爲五行執扇長行一百人押當執擎二人各立團龍
扇之北金吾引駕官二人分立團扇之南文德殿入閣之制
唯殿中省細仗與兩省供奉官班于庭正衙視朝之禮左金

吾引駕官一人四色官二人各帶儀刀被金甲天武官一人判殿中省一人排列官一人扇二方纛一金吾仗碧襴十二各執儀刀兵部儀仗排列職掌一人押隊員僚二人黃麾幡一告止幡傳教幡信幡各八龍頭竿戟各五十西面右金吾引駕官以下皆如東面天武官東西總百人門外立仗其東青龍旗一五嶽旗五五龍旗十其西白虎旗一五星旗五五鳳旗十御馬東西皆五匹每匹二人御龍官四人設御幄于殿後閤其日左右金吾將軍常服押本衛仗殿中省官押細仗東西對列俟皇帝受朝降坐放仗乃退黃麾半仗供二千二百六十五人殿內仗首左右廂各一部每部一百二十四人在金吾仗南東西相向絳引幡十執各一人分部南北爲

五重當御廂左右部同左部在帥兵官東右部在帥兵官西
各爲十重左右領軍衛大將軍各一員居部之中次廂左右
第一第二第三部同掌鼓一人次大將軍後次廂左右第一
并當御廂左右部次果毅次廂左右第二第三折衝次後
廂左右部次將軍帥兵官十人分部南北爲五重北在絳引
幡之南南在絳引幡之北次廂左右第一第二第三部在部
之南北當御廂次後廂左部在黃氍東右部在黃氍西執儀
刀部十行行十人每色兩行爲五重次廂左右第一第二第
三部同當御廂次後廂左右部每色一行爲十重左部以東
爲首右部以西爲首並次帥兵官第一行龍頭竿黃雞四角
氍凡氍皆持以龍頭竿第二儀鎧五色幡第三青孔雀五角

鼙第四烏戟第五緋鳳六角鼙第六細弓矢第七白鵝四角
鼙第八朱滕絡盾刀第九阜鵠六角鼙第十稍揭鼓二掌揭
鼓二人分立緋鼙烏戟後當中次廂左右第一第二第三部
同當御廂次後廂并一在儀鎧青鼙間一在弓矢白鼙間與
後行齊次廂左右各三部每部一百一十五人次左右廂仗
首之南東西相向第一部左右屯衛大將軍及果毅各一員
第二部左右武衛大將軍第三部左右衛將軍各一員折衝
各一員黃麾幡二分立當御左右廂前中間北向當御廂左
右各一部每部一百二十四人在殿門內中道分東西并北
向次後廂左右部同大慶殿列于樂架南左右衛果毅各一
員左在部西右在部東次後左右廂將軍準此次後廂左右

各一部每部一百一十四人次當御廂南左右驍衛將軍各一員左右廂各步軍六隊第一隊每隊三十三人第二至第六隊每隊各二十七人分東西在仗隊後第一左右衛第三左右武衛第五左右領軍衛并果毅各一員第二左右驍衛第四左右屯衛第六左右領軍衛并折衝各一員每隊旗二貔金鸚鵡瑞麥犛牛甘露鷄雞執各一人刀盾弓矢相間人數行列同前左右廂步軍殿門外左右廂後部各六隊每隊三十八人在部下親從後東西相向第一隊左右衛第三左右武衛第四左右領軍衛并折衝各一員第二左右驍衛第四第六左右屯衛并果毅各一員角觶太平馴犀鸛牙白狼蒼烏等旗各二弩五人爲一列弓矢十人爲二重稍二十人

爲四重眞武隊五十七人在端禮門內中道北向太慶殿于
殿門外并有金吾折衝都尉一員僊童眞武騰蛇神龜等旗
各一幟稍二人弩五人爲一列弓矢二十人爲四重稍二十
五人爲五重排列仗隊職掌六人分立仗隊之間殿內四人
殿外二人殿中省尙輦陳扇二十于簾外執扇殿侍二十人
陳腰輿小輿于東西朵殿腰輿在東小輿在西都將各一人
輦官共四十人陳繖扇于殿下方繖二團龍扇四并分左右
夾繖執扇各一人將校或節級方雉扇六十作三重在繖扇
南稍前四色官四人二人立于將軍南與繖扇一列宣敕放
仗二人在引駕南執儀刀引駕官二人在親從官後長行二
十四人在四色官之南排列官二人在長行之南次金甲天

武官二人在長行南以上并分東西相向立設旗于殿門外
青龍旗一在左五嶽神旗各一次之五方色龍旗各一次之
五方色龍旗各一又次之白虎旗一在右五星神旗各一次
之五方色鳳旗各一次之五方色鳳旗各一又次之大慶殿
冊命諸王大臣黃麾仗準文德殿視朝大祀饗立仗大黃龍
負圖旗一執紼二百人陳于闕庭赤龍旗南少西大黃龍旗
之北宣和此旗下又有日月五星連珠北斗招搖蒼龍白虎
朱雀玄武君王萬歲獅子金鸞金鳳五方龍天下太平等旗
凡二十一正至受朝同龍墀旗陳于殿庭太廟在西樞星門
外路南次青龍旗少北青城在泰禋門外青龍旗之南宗祀
祫饗大禮不設大黃龍負圖旗大黃龍旗大神旗六執紼各

九十人宣德門泰禋門并陳于大黃龍旗之南東西相望太廟陳于西極星門外大黃龍旗之西少南視赤龍旗爲列南北相望龍墀旗執紼各十二人左右有日月旗各一次君王萬歲旗一宣德門泰禋門在路東太廟在門外路南次獅子旗二左右有金鸞金鳳旗各一次五方龍旗各一青黃赤龍旗宣德泰禋門在東太廟在南黑白龍旗宣德泰禋門在西太廟在北天下太平旗一宣德泰禋門在路西太廟在路北以上旗皆在車駕前發仗內執紼人并錦帽五色袍繡寶相花衫錦臂鞢革帶遼使朝紫宸殿用黃麾角仗各一千五十六人殿內黃麾幡二次四色官之南分左右仗首左右廂各一部每部一百四十人朵殿下稍南絳引幡十分部南北各

五重左右領軍衛大將軍各一員在部中稍南次廂左右第一第二部同掌鼓一人次大將後次廂左右第一部次果毅第二部次折衝帥兵官十人分部南北北在絳引幡之南南在絳引幡之北次廂左右第一第二部在部南北各爲五重執儀刀部九行每行持各十人第一龍頭竿黃雞四角鼙皆持以龍頭竿第二儀鐙五色幡第三青孔雀五角鼙第四烏戟第五緋鳳六角鼙第六細弓矢第七白鵝四角鼙第八稍第九阜鵝六角鼙掌揭鼓一人在緋鼙烏戟之後次廂左右第一第二部同次廂左右各二部每部一百五人次左右廂仗首之南第一部左右屯衛大將軍果毅各一員第二左右武衛大將軍折衝各一員掌鼓以下至掌揭鼓人數并同仗

首殿外左右廂各步甲三隊每隊三十三人第一左右衛第二左右武衛并果毅第三左右驍衛折衝各一員貔金鸚鵡瑞麥旗各一以次分在三隊刀盾三十人爲五重內第三隊弓矢左右廂後部各三隊第一隊每隊三十八人第二隊每隊三十三人左右衛左右武衛并折衝左右驍衛果毅角觶太平馴犀旗各二弩五人一列弓矢十人四重第二第三隊爲一列稍二十人四重排列仗隊職掌二人次廂第二部之南分左右以上殿內仗隊東西相向排列殿中省尙輦陳輦輦于東西朵殿平輦在東西向逍遙輦在西東向設繖扇于殿下方繖二分左右團龍扇四分左右夾方繖方雉扇二十四分左右各二重在繖扇之後金吾四色官一人文德殿發

冊用黃麾細仗共一千四百二人設曰旗君王萬歲旗獅子旗金鸞旗青龍旗赤龍旗各一在殿東階東以西爲上月旗天下太平旗獅子旗金鳳旗白龍旗黑龍旗各一在西階西以東爲上每旗執摺四人俱北向立押當職掌二人分左右立于日月旗南次方纛二圓龍扇四夾方纛次金吾上將軍二人將軍四人引駕官四人次金甲二人次四色官六人內二人執笏餘執金銅儀刀次碧欄二十四人內執金銅儀刀左右各六人在北次都押衙二人立于碧欄之南少退次皐纛旗一十二每旗執摺五人左右金吾仗司員僚各一人押纛立于旗南次青龍旗一在東白虎旗一在西每旗執摺六人員僚二人押旗在旗之北以上并分左右東西向次五方

龍旗在東五方鳳旗在西各二十五每五旗相間各依五色
排列次五嶽神旗五在東五星神旗五在西各依方位排列
每執旗摺三人次朱雀旗一在東真武旗一在西每旗執摺
六人以上并北向員僚二人押旗在旗之南分左右次紅門
旗二十八分左右每旗執摺二人次寅卯辰巳午未旗六在
東申酉戌亥子丑旗六在西天王旗四分左右夾辰旗次龍
君赤豹吏兵旗各五每旗各爲一列在東每列掩尾天馬旗
一以次在東次虎君黃熊力士旗各五每旗各爲一列每列
掩尾天馬旗一以次在西每旗執摺三人員僚六人押仗各
分立旗前次員僚四人押旗分左右東西爲一列每列一員
左廂第一隊鷓鴣雞白澤玉馬貌旗四續旗各一爲一列

下至第九

隊旗行

列準此第二隊角亢氐房心宿旗各一第三隊虛危室壁奎

宿旗各一第四隊參井鬼柳宿駃騠旗各一第五隊三角獸

黃鹿菖文馴象飛麟旗各一第六隊辟邪玉兔吉利仙鹿祥

雲旗各一第七隊花鳳飛黃野馬金鸚鵡瑞麥旗各一第八

隊孔雀兕甘露網子角觴旗各一并各爲一列第九隊犛牛

旗一設于孔雀旗後右廂第一第二隊尾箕斗牛女宿旗各

一第三隊婁胃昂畢觜宿旗各一第四隊星張翼軫駃騠旗

各一第五至第八隊并同左廂第五至第九隊驕牙旗蒼烏

旗各二相間爲一列每旗執捲三人俱北向員僚二人押黃

麾立于龍鳳旗之北左右廂五色龍鳳旗之東西各設黃麾

幡二次告止幡傳教幡信幡各五次絳麾幡二次絳引幡五

員僚五人押黃麾立于龍鳳旗北少東排欄旗三十自黃麾
幡東西排列以次于南每旗執摺三人俱北向鐙杖哥舒各
三十于殿東西兩廂排列鐙杖起北哥舒間之俱東西相向
左右廂執白柯檜各七十五人東西相向又于騶牙旗南設
大黃龍旗一在殿門裏少西執摺二十人小黃龍旗一在大
黃龍旗後少西執摺三人次大神旗六分左右衛尉寺押當
儀仗職掌四人排列通直官二人大將二人節級二人檢察
六人左右金吾仗司押當職掌排列各官一人執掌大將檢
察大駕鹵簿象六分左右次六引開封令開封牧大司樂少
傅御史大夫兵部尚書各用本品鹵簿次金吾囊稍左右阜
轟各六執托各一人舡四人押衙四人騎驍稍八執各一人

本衛上將軍將軍各四人本衛大將軍二人

并騎

驍稍四夾大

將軍

執各一人夾二人并騎

次朱雀旗隊

并騎

金吾衛折衝都尉一人引

隊驍稍二夾都尉執旗一人引夾各二人凡仗內引夾執人

數準此弩四弓矢十六稍二十左右金吾衛果毅都尉二人

押隊法駕弩減二弓矢減六稍減八次龍旗隊大將軍一員

檢校騎引旗十二人

并騎

風伯雨師雷公電母旗各一五星旗

五左右攝提旗二北斗旗一護旗十二人副竿二

執人并騎

法駕

引旗護旗人各減四次指南記里鼓車各一駕馬各四駕士

各三十人白鷺鸞旗崇德皮軒車各一駕士各十八人法駕

無白鷺鸞崇德車次金吾引駕騎本衛果毅都尉二人儀刀弩

弓矢稍各減二次大晟府前部鼓吹令二人府史四人管押

指揮使一人擗鼓金鉦各十二帥兵官八人領大鼓一百二十帥兵官二十人領長鳴一百二十帥兵官六人領鑼鼓十二帥兵官四人領歌工拱宸管簫笳各二十四大橫吹一百二十帥兵官十人領節鼓二笛簫簫築笳桃皮膚築各二十四擗鼓金鉦各十二帥兵官四人領小鼓中鳴各一百二十帥兵官八人領羽葆鼓十二帥兵官四人領歌工拱宸管簫笳各二十四法駕前後擗鼓金鉦各減四大鼓減四十長鳴減四十鑼鼓減四拱宸後管簫笳各減八大橫吹減四十節鼓減四簫簫築笳桃皮膚築各減八小鼓中鳴各減四十羽葆鼓減四最後簫笳各減八帥兵共減十八人次持鉞前隊左右武衛果毅都尉二人引隊左右武衛校尉二人絳引幡

一旂二人左右有金節十二

執人并騎

罕翼各一朱雀幢又導蓋

青龍白虎幢各一又三

執人并騎

稱長一人鉞戟二百八十人左

右武衛將軍二人檢校左右武衛校尉四人押隊法駕金節

減四鉞戟減七十二次黃麾幡一

執一人并騎

法駕前有殿中

侍御史二員都頭二人羽林又有節級二人押仗本軍旗各

一排欄旗各二十合有吏兵力士旗各五掩尾天馬旗二羽

林有赤豹黃熊旗龍武有龍君虎君旗各一白柯槍五十哥

舒棒十鎧仗八法駕神武軍減排欄旗十羽林龍武軍各減

四吏兵力士旗減一次引駕旗天王旗二排仗通置官二人

押旗十二辰旗各一法駕同次龍墀旗天下太平旗一排仗

大將二人夾旗五方龍旗各一金鸞金鳳旗各一獅子旗二

君王萬歲旗二日月旗各一法駕減龍鳳獅子旗次御馬二
十四每匹天武二人御馬直二人爲十二重法駕減八爲八
重次中道隊大將軍一員檢校法駕同次日月合璧旗一莛
文旗二五星連珠旗一祥雲旗二長壽旗二次金吾細仗青
龍白虎旗各一五嶽神旗五方神旗五方龍旗五方鳳旗各
五已上執各一人次方纛二大雉尾扇四夾執纛扇各一人以下準此法駕
同次金吾四邑官六人押仗二人法駕減押仗次金甲二人
次金吾引駕官四人并次導駕官執政以上人從六人待制
諫議防禦使以上五人監察御史刺史諸衛將軍以上四人
次纛扇輿大纛二中雉尾扇四夾腰輿一小雉尾扇四夾
應奉人員一次十將將虞侯節級二人長行十六人排列官

二人中雉尾扇十二華蓋

執各二人

香鐙一執擎八人二小輿一

應奉人逍遙平輦下長行二十四人逍遙子一應奉人十將

將虞侯節級共九人長行二十六人法駕排列官後中雉尾

扇減四次駕前東第五班開道一阜纛旗十二引駕六十二

人鈞容直三百人引駕同作樂五方色龍旗五門旗四十御

龍直四步執門旗六十天武駕頭下一十二人茶酒班執從

物十一人御龍直仗劍六人天武把行門八人麋旗一殿前

班擊鞭十人簇輦龍旗八日月麟鳳旗四青白赤黑龍旗各

一御直四十人踏路馬二夾輅大將軍二員進輅職掌二員

部押二人教馬官二員法駕同皇帝乘玉輅駕青馬六駕士

一百二十八人扶駕八人骨朵直一百三十四人行門三十

五人分左右陪乘將軍二員法駕同次奉宸隊御龍直左廂
骨朵子直右廂弓箭直弩直御龍四直并以逐班直所管人
數列爲五重天武骨朵大劍三百一十人次駕後東第五班
大黃龍旗一鈞容直三十一人肩簋下天武二十人茶酒班
簇輦三十一人招箭班三十三人法駕同次副玉輅一駕青
馬六駕士四十人法駕無次大輦一掌輦四人應奉十二人
十將將虞侯節級共十人長行三百五十五人尙輦奉御二
人殿中少監供奉職官二員令史四人書令史四人法駕同
次太僕御馬二十四爲十二重法駕減八爲八重次持鋌後
隊左右武衛旅帥二人法駕無次重輪旗二大纛二大雉尾
扇四小雉尾扇朱團扇各十二華蓋二又二睥睨十二御刀

六眞武幢一絳麾二叉一細稍十二法駕小雉尾扇朱團扇
睥睨稍各減四華蓋減二御刀減二次左右金吾衛果毅都
尉二人并總領大角一百二十法駕減四十次大晟府後部
鼓吹丞二人典事四人管轄指揮使一人羽葆鼓十二帥兵
官四人領歌工拱宸簫管笳各二十四帥兵官二人領錢鼓
十二帥兵官四人領歌工簫笳各二十四小橫吹一百二十
帥兵官八人領笛簫簫簫築笳桃皮簫築各二十四次黃麾一
執紼人數同前部法駕亦同有殿中侍御史二員在黃麾前
芳亭輦一奉輦六十人鳳輦一奉輦五十人法駕去鳳輦次
金象革木四輅並有副輅金輅踏路赤馬二正副各駕赤馬
六駕士六十人餘輅正副駕馬數同象輅以赭白革以驅象

以赤革以赭白木山鳥駕士五百五十人副一百人管押人
員各二人耕根車一次屬車十二乘每乘駕牛三駕士十人
法駕減四次門下中書祕書殿中四省局官各二法駕同次
黃越車豹尾車各一各駕赤馬二駕士十五人法駕除進賢
明遠車外并同次掩後隊左右武衛折衝都尉二人領隊大
戟刀盾弓矢稍各五十法駕各減十六次眞武隊金吾衛折
衝都尉一人轡稍二僊童旗一眞武旗一螭蛇神龜旗各一
稍二十五弓矢二十弩五法駕稍減六弓矢減五弩減一次
第六引外仗白澤旗二左右金吾衛折衝都尉二人弩八弓
矢三十一稍四十法駕次第三引外弩減二弓矢減八稍減
十法駕金吾騎及弓矢稍各減四次伏飛隊左右金吾衛果

殺都尉二人分領

并騎

虞侯欽飛四十八人

并鐵甲

欽飛二十

四人并甲騎法駕前減十八人後減八人次前隊受仗左右

領軍衛將軍二人檢校

并驍

稍四父又分五隊第一百六十

人第二八十人第三百人第四第五八十人逐隊有帥兵官

左右領軍衛左右威衛左右武衛左右驍衛左右衛各四人

法駕父又第一隊減六十第二第三各減三十第四第五各

減二十次後隊受仗又分五隊第一第二八十人第三百

人第四八十人第五百六十人帥兵官左右衛左右驍衛左

右武衛左右威衛左右領軍衛凡前後隊受仗前接中道北

斗旗後盡鹵簿後隊法駕父又第一第二隊各減二十四第

三第四各減三十第五減六十次前部馬隊凡二十皆以都

尉二人分領第一前左右金吾衛折衝領角亢斗牛宿旗四
弩十弓矢二十稍四十第二氏房女虛宿旗四第三心危宿
旗第四尾室宿旗各二四隊左右領軍衛果毅領第五箕壁
宿旗第六奎井宿旗各二左右威衛折衝領第七婁鬼宿旗
第八胃柳宿旗第九昂星宿旗各二左右武衛果毅領第十
畢張宿旗第十一觜翼宿旗第十二參軫宿旗各二左右驍
衛折衝領弩弓矢稍人數同第一隊次步甲前隊凡十二左
右領軍衛將軍二人檢校并驍稍四逐隊皆有都尉二人分
領第一第三各以左右領軍衛第五以左右威衛第七以左
右武衛第九以左右驍衛第十一以左右衛並折衝第二第
四各以左右領軍衛第六以左右威衛第八以左右武衛第

十以左右驍衛第十二以左右衛並折衝內有鷩鷩玉馬三角獸黃鹿飛麟馱騄驎馴象玉兔辟邪等旗各二以序居都尉之後逐隊有弓矢刀盾相間各六十人居旗後次前部黃麾仗絳引幡二十下分六部第一左右威衛第二左右領軍衛第三左右威衛第四左右武衛第五左右驍衛第六左右衛諸部各有殿中侍御史兩員本衛大將軍二人檢校本衛折衝都尉二人分領又各有帥兵官二十人龍頭竿六重重各二十揭鼓三重重各二儀鎧五色幡小戟稍各一重重各二十弓矢二重重各二十朱綠縵絡盾并刀二重重各二十法駕止五部絳引幡帥兵官龍頭竿幡戟弓矢盾刀稍并減六次青龍白虎旗各一左右衛果毅都尉二人分押旗及

領後七十騎弩八弓矢二十二稍四十法駕減後騎三十弩

減二弓矢減八稍減二十次班劍儀刀隊并騎左右衛將軍

二人分領郎將二十四人左右親衛勳衛各四人每衛班劍

二百二十人諸翊衛左右衛六人領儀刀四百八人左右饒

衛二人領儀刀百三十六人左右武衛左右威衛左右領軍

衛左右金吾衛各二人法駕親勳衛班劍減八十四人翊衛

儀刀減百三十二人增左右驍衛四人班劍儀刀九十二人

次親勳散手驍衛翊衛隊并騎左右衛供奉中郎將四人分領

親勳翊衛四十人左右衛郎將二人分領散手翊衛六十人

左右驍衛郎將二人分領驍衛翊衛五十六人法駕親勳減

十六人散手驍衛各減二十人次左右驍衛翊三隊并騎各二

人分領第一本衛大將軍第二本衛將軍第三本衛郎將花鳳飛黃吉利旗各二分爲三隊逐隊弩十弓矢二十稍四十四法駕弩減四弓矢稍各減半次夾轂隊凡六逐隊都尉二人檢校第一第四左右折衝第二第三第五第六并左右衛果毅逐隊刀盾各六十人內第一第四有寶符旗二法駕各減刀盾二十次捧日隊逐隊引一人押二人長行殿侍二十八人旗頭三人槍手五人弓箭手二十人左右廂天武約欄各百五十五人法駕同次後部黃麾仗分六部左右衛左右武衛左右驍衛左右威衛左右領軍衛左右武衛部內殿中侍御史大將軍都尉帥兵官絳引幡龍頭竿等并同前部法駕減第六部絳引幡減六次步甲後隊凡十二皆有都尉二人

分領第一以左右衛第三以左右騎衛第五以左右武衛第七以左右威衛第九第十一各以左右領軍衛并果毅第二以左右衛第四以左右驍衛第六以左右武衛第八以左右威衛第十第十二各以左右領軍衛并折衝內有貔鷁雞僊鹿金鷁鸛瑞麥孔雀野馬犂牛甘露網子祥光翔鶴等旗各二以序居都尉後逐隊有弓矢刀盾相間各六十人居旗後法駕止十隊次後部馬隊凡十二皆以都尉二人分領第一第二各以左右衛第五第六第七各以左右武衛第十第十一第十二各以左右領軍衛并折衝第三第四各以左右驍衛第八第九各以左右威衛并果毅內有角觶赤熊兕天下太平馴犀鵠鷁驍騶駟牙蒼鳥白狼龍虎金牛等旗各二以

序居都尉後每隊弩十弓矢二十稍四十法駕止十隊弩減
四弓矢減六稍減十二凡鹵簿門有六中道門二第一門居
日月合璧等旗後法駕居龍墀旗後第二門居掩後隊後法
駕同各有金吾衙門旗四監門校尉六人左右道門四第一
居步甲前隊第六隊後第二居第十二隊後第三居夾轂隊
後第四居步甲後隊第六隊後法駕同各有監門校尉四人
小駕減大駕六引及象木革輅五副輅小輦又減指南
記里白鷺鸞旗崇德皮軒耕根進賢明遠黃鉞豹尾屬車等
十一餘並減大駕之半自太祖易繡衣鹵簿太宗眞宗皆增
益之仁宗卽位儀多襲前宋綬定鹵簿爲圖記凡大駕用二
萬六十一人太僕寺主車輅殿中省主輿輦繖扇御馬金吾

主纛稍十六騎引駕細仗牙門六軍主槍仗尙書兵部主六
引諸隊大角五牛旗門下省主寶案司天臺主鐘漏太常主
鼓吹朝服法物庫出旗器名物衣冠幟蓋車器庫出箛弩矢
內弓箭庫出戎裝襍仗凡六引導駕太僕卿千牛將軍殿中
侍御史司天監少府監僚佐局官乘黃令大將軍金吾上將
軍將軍六統軍皆以京朝官內諸司使副以下攝事仗內用
禁軍諸班直捧日天武拱聖神勇宣武驍騎武勝寧朔虎翼
兵大將軍將軍以軍主都虞候攝中郎將郎將都尉以指揮
使副指揮使攝校尉主帥旅帥隊正以軍使副兵馬使都頭
副都頭十將攝餘法駕鸞駕黃麾仗則遞減其數景祐五年
賈昌朝言儀衛三事一曰南郊鹵簿車駕出宮詣郊廟日執

毬杖供奉官于導駕官前分列迎引至于齋宮夫毬杖非古蓋唐世以資玩樂其執之者皆褻服錦繡珠玉過于侈麗常時豫遊或宜施用今齋戒親奉大祀卽鼓吹不作乃陳戲賞之具導迎法駕入祠宮典儀未允謂宜徹去毬杖俟禮畢還宮復使就列二曰大駕鹵簿有羊車前列臣案羊車漢晉乘于後宮隋大業中增金寶之飾駕小駟馭以中童自是遂從之唐兼有輦車副車之名國朝因循未革竊以郊廟大典動必由禮四望耕根兼包厯代或皆有因豈容後宮所乘參部五輅欲望大駕不用羊車三曰南郊大駕鹵簿儀衛甚眾有司雖依典禮預先分布而被差執掌吏員兵伍素不閑習行列先後多失次序所持名物亦或差互今請前後仗衛次第

于致齋前命儀仗鹵簿使令有司執簿籍率押當官暨諸衛
諸有執仗士卒將領者自殿門至郊廟分列之處詳視先後
及器仗名品無令差忒詔禮儀使宋綬詳定綬奏鹵簿內有
諸司供奉蓋資備物以奉乘輿今請郊社前一日應供奉官
等令宿幕次俟皇帝行禮畢降壇導至青城由青城前導歸
大內後漢劉熙釋名曰羸車羊車各以所駕名之隋禮儀志
曰漢氏或以人牽或駕果下馬此乃漢代已有晉武偶取乘
于後宮非特掖庭制也況歷代載于輿衛志自唐至今著之
禮令宜仍舊其鹵簿儀仗遇南郊前五使預閱素備願依昌
朝所奏下儀仗鹵簿使加點閱皇祐二年將享明堂鹵簿使
奏法駕減大駕三分之一而兵部亡字圖故本且文牘散逸

較之禮令未有以裁其中詔禮官兵部考正爲圖奏上鹵簿用萬有一千八十八人嘉祐二年祫享用禮儀使奏南郊仗金吾上將軍六統軍左右千牛皆服紫繡戎服珂珮騎而前節度使亦依襦褶導駕如舊例是月禮官奏南郊還禮當乘金輅而或詔乘大輦宜著于令以大輦從六年幸睦親宅內侍抱駕頭墮馬駕頭壞御史中丞韓絳奏嚴儀衛閤門太常禮院請以閤門祇候及內寺各二員扶駕頭左右次扇篋又以城親從兵二十人從熙寧七年太常奏言制器尙象有其軀必有其義後世車駕儀仗多禱秦漢制度當革其尤者周禮車僕凡師其革車各以其萃萃副車也諸輅之副宜次正輅羊車前代宮中所乘五牛旗蓋古之五時副車也以木

年載旗用人與之失其本制宜除去從之元豐元年詳定所言大駕輿輦仗衛儀物兼取歷代所用其間訛舛甚眾或規模苟簡因循已久或事出一時不足爲法于是請去二十八宿五星攝提旗所繪人形及龍虎仙童大神金鸚鵡黃鸚鵡網子騰蛇神龜等旗舊制親祠南郊皇帝自太祠至版位內侍二人執翟羽前道號曰拂翟拂翟不出禮典乃漢乾祐中宮中導從之物不宜用諸郊廟詔可禮文所言近制金輅不以金飾諸末象輅不以象飾諸末革輅不鞮木輅不漆請改節四輅太常繪三辰加升龍絳龍大旂繪交龍大赤鳥隼大白熊虎大麾龜蛇而去其雲龍使之應禮又古者五輅皆載旗謂之道德車考工記車戟崇于受酋矛崇于戟各四赤戟

矛皆插車騎謂之兵車戰國尙武故增插四戟謂之闌戟漢
鹵簿前驅有鳳凰闌戟猶未施于五輅江左以來五輅乃加
槩戟于車之右輜以繡繡之衣後周司輅左建旗右建闌戟
方六尺而被之以繡皆戾于古請去五輅闌戟而建太常于
車後之中央升輅則由左又按周禮大馭掌馭玉輅以祀則
祀乘玉輅也齋僕掌馭金輅齋右充金輅之右則齋乘金輅
也國朝親祠太廟致齋文德殿翌日卽進玉輅非制請進金
輅俟太廟祠畢翌日御玉輅詣郊又周禮戎右職曰會同充
革車儀禮曰貳車畢乘禮記曰乘君之乘車不敢曠左左必
式蓋古者後車餘輅不敢曠空必使人乘之所以別曠左之
嫌也自秦兼九國車服西漢因之大駕屬車八十一乘後漢

志云尚書御史所載楊雄曰臨夷國器託于屬車則是漢之屬車非獨載人又以載物亦儀禮所謂畢乘之義也國朝鹵簿車十二乘虛設于後實近曠左之嫌請令尚書御史乘之或以載乘輿服輿又言法駕行必有其輿者以承清問周官有太僕齋僕道僕以御車至參乘則其禮益重故德車則有齋右道右武則有戎右皆以士大夫爲之國朝乘輿有太僕而無參乘請增近臣一員立車右其後詔增製五輅及參乘玉輅建太常金輅建大旂象輅建大赤革輅建大白木輅建大麾諸副輅各次正輅仍存闕戟焉紹興十三年郊準國朝大駕一萬一千二百二十二人內舊用錦襖子者以纈緡代用銅革帶者以勒帛代而指揮使都頭仍舊用錦帽子錦臂

袖者以方勝練鵲羅代用纁者以紬代禁衛班直服色用錦
繡金銀眞珠比珠者七百八十人以頭帽銀帶纁羅衫代旗
物用繡者以錯采代車輅院香鑒案衣褥牌幌御輦院華蓋
曲蓋及仗內幢角等袋用繡者以生色代殿前司仗內金鎗
銀鎗旗幟易以漆飾而拂扇坐褥以珠飾者去之

論曰自聖經熄而古制壞人主動作專趨侈靡苟可以
資耳目之玩者無弗爲也問其儀所從來則懵然者多
矣充庭之典創自漢魏然不過陳旌旂冕服鸞輅以昭
示一代法物而已降及隋唐乃有黃麾之幡孔雀之扇
二者徵諸經籍未有稱也蓋古者畫雉于器取其貞介
而有別五色成文而不亂孔雀出于蠻越嶺海之陬晉

宋以來其名始著當三代盛時豈無博物君子通其名氏而知其文章之豐美者然而非中州之所常產于義固無取也宋神宗以黃麾幡爲疑懼見非于後世多識之君子豈不以事起隋唐近狗俚俗之好尙而非關先聖之興章乎至于毬杖特遊戲之具羊車乃後宮所乘其爲褻亦甚矣奈何郊天對越之地而漫以是瀆其間哉且祭不師古循戰國黷武之風而設相風畢罕漢不審義避乘車曠左之嫌而載鴟夷國器宋陶穀爲學士任其私智臆說而造白兔馴象鸚鵡金鸞之旗皆所謂違經而戾于古者嗟乎非天子不制度有周公之才生成王之世然後可與言作否則不學無術師心自用適

以見啗于大雅而已故自秦漢以後議禮之臣雖多未
有通酌古今而盡宜者也